

國朝先正事略

國朝先正事略卷之三十七 文苑

平江李元度次青纂

侯朝宗先生事略

明啟禎間。逆閹擅柄。日戕賊善類。一時才峻雄傑之士。身不在位。奮然以東都清議自持者。曰四公子。四公子者。桐城方以智。密之如皋。冒襄。辟疆。宜興陳貞慧。定生。及商邱侯方域。朝宗也。而朝宗先生尤以文章著。先生祖執蒲官。太常卿。父恂。戶部尚書。季父恪。官祭酒。皆以東林忤閹黨。先後除名。先生幼從父官京師。習知中朝事。而於君子小人門戶。始終之故。尤熟悉。懷甯阮大鍼。故魏闢義兒也。屏居金陵。謀復用諸名士。共激大鍼罪。

作留都防亂。搆定生及貴池吳應箕。次尾主之大鍼愧且恚。然無可如何。知先生與二人者相善也。私念因侯生以交於二人。事當已。乃屬其客來交。權先生覺之。謝客弗與通。而大鍼家有伶一部。能歌所演劇。號燕子箋者。會諸名士以試事。集金陵先生置酒高會。徵阮伶大鍼心竊喜。立遣伶往。而令他奴謂之。方度曲四座稱善。奴走告大鍼心益喜。已而抗聲論天下事。語稍及大鍼。遂戟手罵。詈不絕。大鍼乃大怒。而恨三人者尤。次骨甲申南都。擁立大鍼。驟枋用。與大獄將盡殺黨人。捕定生入獄。次尾亡命。先生夜出走。渡楊子。依鎮帥高傑得免。先生豪邁不羈。多大略。少嘗與楊公廷樞夏公允彝醉登金山。臨江悲歌指評。

當世人物而料事尤多奇。中方尙書公之督師援汴也。先生進曰：大人受詔討賊，廟堂議論牽制，顛破文法，以賜劍首，誅一甲科，令守之不應徵辦者，而晉帥許定國師，噪當斬，以狗軍事，辦威立疾，馳渡河，收中原，土寨團結之眾，以合左良玉於襄陽，約陝督孫公傳庭，犄角並進，則汴圍不救，自解矣。尙書叱曰：此跋扈也。小子多言，趣遣歸。道遇永城叛帥劉超，挾之。先生曰：君所坐不過糶一御史柰何遽反。今載輔有警，君率所部疾走，勤王必可轉禍爲福。卽不然，亦前洗惡名，失此則身死名裂。超不能從。先生旣負才不試，以明經累舉於鄉，輒報罷。順治辛卯，列副榜。初，放意聲伎，已而悔之，發憤爲詩古文，倡韓歐學於舉世。不

爲之日嘗遊吳下。將刻集集中文未脫稿者。一夕補綴立就。人益奇之。順治十一年卒。年三十有七。方密之國變後。以僧服終定生。在南都被逮。大械敗脫。歸後與辟疆俱卒於家。而次尾當王師下金陵。謀起兵被執不屈死。

魏叔子先生事略

兄際瑞 李騰蛟

弟禮屏

彭士望

林時益

甯都三魏伯曰祥字善伯改名際瑞季曰禮字和公而叔子先

生禧尤著先生字冰叔號裕齋父兆鳳字天民以孝聞居喪哀

毀如古禮家故饒於財好施與急人之難逾於己崇禎初薦舉

徵辟皆不就學者稱之曰徵君先生負異稟年十一爲諸生甲

申之變愍帝死社稷先生號慟日哭臨縣庭憤吃不欲生謀從

曾給事應遴倡義兵不果乃棄諸生服隱居教授先生形幹修

頎負才略善擘畫理勢事前決成敗懸策而後驗者十常八九

方流賊之熾也承平久人不知亂且謂寇遠猝難及先生獨憂

甚移家翠微峯峯距甯都四十里四面削起百餘丈中徑莽自

山根至頂。若斧劈然。緣坵鑿磴。道梯而登。因置閘爲守望。士友稍稍依之。而彭士望躬庵林時益確齋亦至。皆與先生立談。定交。挈妻子來家。翠微世所稱易堂諸子也。其後數年甯都被寇。翠微峯獨完。先生既謝諸生。益肆力古文。辭喜讀史。尤好左氏傳。及蘇洵。其爲文主識議。凌厲雄傑。遇忠孝節烈事。則益感慨。摹畫淋漓。年四十乃出遊。涉江踰淮。至吳越。思益交天下奇士。於吳門交徐枋金俊明。西陵交汪胤乍。浦交李天植。常熟交顧祖禹。毘陵交憚日初。楊瑀。方外交藥地。槁木皆遺民也。當是時。南豐謝文海。講學程山。星子宋之盛。講學髻山。弟子著錄者皆數十百人。與易堂相應。和論者謂西江自歐陽鄒魏宗陽明講。

姓學陳艾依復社工帖括其聲力氣餒皆足動一時易堂起獨以古文實學爲歸風氣一振由先生爲之領袖云康熙戊午詔舉博學鴻儒先生被徵以疾辭有司督催就道不得已昇疾至南昌就醫巡撫疑其詐以板扉舁至門先生繫被蒙頭臥稱病篤乃放歸後二年赴揚州故人約卒於儀徵年五十有七其婦謝氏絕食十三日以身殉彭躬菴及其未死時執贄拜牀下奉爲女師易堂九子自三魏及躬菴研齋外曰李騰蛟咸齋邱維屏邦士彭任中叔曾燦青藜敦古友誼如骨肉子弟無恆父師高僧無可嘗至山中歎曰易堂真氣天下無兩矣無可明檢討方公以智也凡戚友有難進之言或處人骨肉間先生批卻

導彖一言輒解其紛。或訝之。先生曰。吾每遇難言事。必積誠累時。與其精神相貫注。夫然後言。所著有文集日錄左傳經世諸書。

伯子性敏。善強記。爲諸生於兵刑禮制律法。皆能窮析原委。遇難事。剖決如流。客潮鎮。劉伯祿幕。時大兵圍潮。久不下。主兵者怒。約城下日盡屠之。伯子力言於劉。劉叩頭力請。乃免。范忠貞公撫浙。禮爲上客。凡蠲荒賑饑諸善政。伯子宣力爲多。康熙丁巳。賊將劉大任踞嶺。當事議撫之。大任揚言。非魏善伯來。吾不信也。時伯子客總兵哲爾肯所。遂遣之。友人及諸弟皆勸弗往。伯子慨然曰。鄉邦之禍烈矣。願拌此身圖之。遂往。甫入營。官兵

之河東多古松望之蒼藹無際邦士著書其下稱松下先生叔子嘗從之學古文邦士之學原本六經左國史漢旁及諸子百家顧獨有得於秦西之書心悟神解信無可來易堂常與布算退語人曰此神人也青州翟世禎守饒州傲僻藐天下獨心折邦士七聘乃往北面事以師禮邦士主其署齋爲演易墩偶乏紙卽用牌票紙背書之翟悉以錦軸裝潢其草藁青州馮相國欲邀一見邦士卒不往嘗絕炊婦令借米鄰家久不至覘之則方負手立池上看往來行人乃別措米炊召之食輒大啖亦不問米所由來也著有周易勦說及文集康熙己未卒年六十有六先是淮安閻再彭以帛作書求邦士爲其妻銘墓未作也卒

之日命家人取帛出日以付叔子還淮安閻氏

會君燦字青藜一字止山明給事中應遴仲子與吳曉並工詞章喜然諾方明季多故思以功業自見折節下士士翕然歸之歲乙酉楊文正公延麟竭力保吉贛給事公以閩幅山澤間有眾十萬俾往撫之既行而給事病卒贛亦破乃解散去尋祝髮爲僧遊遊閩浙兩廣間大母陳母溫念燦成疾乃歸甯都以大母命受字築六松草堂躬耕不出後乃入易堂少有詩名選海內名家詩二十卷號過日集僑居吳下最久著止山集西庵草堂詩客遊燕市以卒

彭君任字中叔一字遜仕甯都諸生少與同邑溫應溥友應溥

死難時兵燹蒼黃人莫敢畫行中叔獨往購其尸哭而殮之鼎
革後結廬巖山名所居曰一草亭足不履城市自人易堂後嘗
一訪其友謝文游甘京於南豐之程山未嘗再他適也著禮記
類編及草亭文集嘗論朱陸異同謂學者之病不在於辨之不
明而在於行之不篤其持論最平卒年八十有四

梁質人者名份南豐人彭躬菴魏叔子高弟也少從兩先生講
經世之學嘗隻身遊數萬里西盡武威張掖南極黔瀕徧歷燕
趙秦晉齊魏之墟覽山川形勢訪古今成敗得失遐荒軼事一
發之於文方望溪王崑繩皆重之爲人樸摯強毅退守窮約至
老不少挫年八十有九卒著懷葛堂文集

宋荔裳先生事略

田雯 徐夜

曹貞吉 謝重輝

顏光敏 張篤慶

王萃

宋先生琬字玉叔號荔裳山東萊陽人順治四年進士授戶部主事監督蕪湖關潔己恤商歲額逾於舊遷吏部郎選人無滯抑之歎出爲隴西道值地震後修城垣瘞屍賑粥不遺餘力隨督隴西學政清慎公明稱得士歷永平兵備及甯紹台道駸駸嚮用矣族有不逞子以風憾飛章告密被逮對簿西曹久之事得白流寓吳越居無何

天子察其冤起四川按察使會入覲畱京師而吳逆叛成都失守妻子皆在蜀憂憤而卒性孝友虛懷下士工詩古文詞盛名滿天下有南施北宋之目施謂愚山也所著有安雅堂集同時

山左詩家自漁洋外有田山藎曹實菴顏修來王秋史徐東癡謝方山張厯友。

山藎姓田氏名雯字紫綸德州人康熙三年進士授中書中書號丞相椽舊以貲郎充選有御史言機務重地宜用進士始開此例累遷工部郎中督江南學政力崇古學所取皆雄駿通偉之士風氣爲一振每按試從兩驢蒼頭二人隨戒有司勿供張自市蔬菜十把脫粟三斗遠近稱之調湖廣督糧道遷光祿卿巡撫江甯會秋兩積陰漕米色多變民艱輸納特疏以請得隨時交兌又請勅帑金大濟京口運河以省歲挑之費蘇常民皆德之並請減湖田稅免銅課俱次第允行調撫貴州時苗紳猖

源與督方議會勦公移書制府謂制苗之法犯則治之否則防之而已無庸動眾勞民也議遂寢丁憂起補刑部右侍郎謫戶部以疾歸康熙中王漁洋負海內重名山蘊天資高邁記誦亦博負其縱橫排弄之氣欲以奇麗駕漁洋而上之故詩文皆組織繁富煅鍊刻苦成一家言著有古懽堂集長河集寶菴名貞吉字升六安邸人山蘊同年進士官禮部郎中詩格迥鍊其黃山諸作極爲宋牧仲所推著有寶菴詩略修來名光敏字遜甫曲阜人康熙六年進士官吏部郎中好讀書善鼓琴精騎射尤耽山水性孝友勤於睦族年四十卒生平不信浮屠星命之說嘗言軀體猶炭神氣猶火也火傳於炭然後能爲功炭當風則

易。燼。扇。之。則。立。燼。置。密。室。覆。以。灰。則。後。燼。然。則。謂。人。可。長。生。者。妄。也。謂。死。有。時。不。可。先。不。可。後。者。亦。妄。也。所。著。曰。樂。園。集。兄。光。猷。光。敦。皆。進。士。歷。官。中。外。有。文。名。王。秋。史。名。萃。歷。城。人。康。熙。丙。戌。進。士。所。居。聖。水。泉。元。子。欽。所。品。七。十。二。泉。之。第。二。十。四。也。少。有。狂。名。王。漁。洋。田。山。蘊。賞。其。詩。並。奇。其。人。有。王。黃。葉。之。目。所。著。曰。二。十。四。泉。草。堂。集。徐。東。癡。名。夜。新。城。人。年。二。十。九。棄。諸。生。場。門。士。室。絕。跡。城。市。有。朱。桃。稚。杜。子。春。之。風。薦。鴻。詞。科。以。老。辭。詩。格。清。峭。近。韋。左。司。孟。東。野。謝。方。山。名。重。輝。德。州。人。官。刑。部。郎。中。有。杏。村。詩。漁。洋。稱。其。去。膚。存。骨。去。枝。葉。存。老。幹。真。賞。甚。稀。存。之。篋。中。以。待。元。次。山。杜。清。碧。其。人。定。相。賞。於。絃。指。之。外。其。傾。倒。至。

夫。歷。友。張。姓。名。篤。慶。淄。川。人。學。殖。淹。博。下。筆。千。言。諸。老。宿。稱。爲。冠。世。才。不。虛。也。充。選。貢。生。廷。試。不。遇。歸。隱。崑。崙。山。不。復。出。杜。門。著。書。有。八。代。詩。選。班。范。肪。截。五。代。史。肪。截。兩。漢。高。士。贊。等。書。詩。以。盛。唐。爲。宗。著。有。崑。崙。山。房。集。

熊次侯先生事略

劉子壯

金德嘉

顧景星

張仁熙

熊先生伯龍字次侯。湖北漢陽人。祖籍進賢。晚自號鍾陵。示不忘祖也。少博學。工文章。順治六年。賜進士及第。第二人。由國史院編修。累官內閣學士。兼禮部侍郎。屢司方。皆得士。自少至老。手一編不置。在朝。籍恂恂如儒生。歷官二十年。不妄交游。不立崖岸。易贊時。惟以未得澤被生民爲憾。其制舉文。與同年生劉克猷。修撰齊名。雄渾雅健。開國初風氣。天下號曰熊劉。而先生古文尤工。著有毅貽堂文集。集中代言諸作。尤樸茂。有東京之遺。特爲時文所掩耳。克猷名于壯一字稚川。蕢岡人。順治六年。廷對第一。官修撰。九歲失恃。每念母。輒爲孺子泣。遂

以祀思名其堂所著曰祀思堂集克猷生明季早負文名嘗夢
登甲第出朱之弼門下偶見童子自塾歸甚類儻訊之則朱姓
之弼名諤曰吾豈當爲弟子耶及遭寇亂奔竄山崖水洑間不
獲與計偕入國朝始大魁天下其時分校禮部試者果之弼
也自熊劉後楚北文章家推金會公檢討爲最著

會公名德嘉號豫齋廣濟人五歲而孤事母孝以主敬存誠爲
學康熙二十一年會試第一官檢討與修明史表章列節諸臣
分撰一統志於楚中郡邑考訂尤精核丁卯典貴州試所拔多
名宿致仕二十年足跡不入城市益鍊戶著書時同郡顧景星
張仁熙劉醴驥沿王李侉習追摹秦漢營震川會公獨守韓歐

家法者有居業齋集續纂元明名臣言行錄卒年七十有八顧
景星字黃公。蘄州人。記誦淹博。才氣尤橫肆不羈。詩文雄贍。稱
霸才。著有白卯堂集。又有讀史集論九卷。鴈池錄一百十八卷。
南渡集來耕集共七十三卷。皆錄入四庫。張仁熙字長人。廣濟
人。諡生。其論詩謂時弊雖深。救之者輒變而加厲。公安救歷下
矢之。仇竟陵救公安。陷於房時。以爲允。米牧仲通守黃州。於雪
堂築東齋。延長人說詩。著有藕灣集。卒年八十有四。鴈驥字千
里。號廓菴。亦廣濟人。生而有文在手。曰。歷性方直。以歲貢入都。
與魏敏果公講業。極懽。或勸之仕。曰。吾不任此也。遂歸。著有芝
在堂集及學庸古本解諸書。

汪堯峯先生事略 褚象

先生名琬字茗文號鈍菴江蘇長洲人學者稱堯峯先生少孤
讀書五行俱下順治十二年進士觀政通政司未幾假歸肆力
古文辭嘗慨然念前明隆萬以後古文道喪乃由南宋以上溯
韓歐卓然思起百數十年文運之衰尋補戶部主事分司大通
橋歲滿改刑部員外郎遷郎中坐江南奏銷事降兵馬司指揮
復爲戶部主事公退無時不以古文自娛嘗與龔端毅鼎彝李
文定天馥王文簡士禎陳文貞廷敬宋尙書學劉戶部體仁黃
侍御文驥等以詩文相切劘陳公侍直禁廷

聖祖問今能爲古文者其誰輒舉先生以對先生因文見道務

為經世有用之學。故歷官皆有名蹟可紀。其為刑部郎也。河南民張潮兒以報母仇殺其族兄三春。罪坐死。詔法司核議。先生以潮兒母先為三春所殺。著復讎論。引律文祖父母父母被殺而子孫擅殺行凶人者杖六十。又罪人應死而擅殺者杖一百為據。他疑獄必引經附律。務母枉縱。其降為北城指揮也。強直不渝。所守某閩學欲并其鄰人居。會鄰人母自經死。閩學欲重其罪。其門下生適以御史巡城屬先生文致。先生卒白其誣。商學怒必欲置諸理。先生力爭事乃解。旗人與民爭縛民至司。其黨數十人臥踞廳事。官出岸然不動。先生卒直民而緝旗人。囑壯繆廩祝為人所殺。無主名。禱於神。神告以夢。一誓者得。

其情卒獲犯寘諸法。道死者親爲收瘞。奸民以假命噬人。豪家奴恃勢脅良善。皆重錮之。任滿且去。北城民熟香。攜酒送者。填溢衢巷。達官呵殿。至擠塞不得行。問之曰。民送兵馬司也。兵馬司秩卑而職冗。士大夫左遷。類偃蹇不屑意。前此未有得民心。留去後思如先生者。其再入戶部也。王尙書宏祚夙重先生。會姚總憲文然疏請夏稅以五六月。秋糧以九十月。下部察國儲果否足支一季餉。先生集同官。窮日夜會計。得見銀二百四十萬兩。以復於王公曰。兵餉可無虞。緩徵便。遂輯書曰。兵餉一覽。旣而廷議格不行。書存篋衍中。先生曰。異日有爲緩徵之政者。吾書可取視也。議輸漕五米十銀。爲官收官兌法。而旗弁之橫。

息議裁吳三桂兵餉而強藩之勢阻其端皆先生發之權江甯
西新倉上羨餘金若干無纖毫染指亡何病免歸結廬堯峯居
九年益閉戶著書康熙十七年 詔徵博學鴻儒陳文貞疏薦
先生宋尙書德宜亦別爲疏同日以薦比試

上親拔其文授編修與修明史先生以道德文章爲已在雖與
一時賢士遊而流俗往往不悅其所爲深中者尤忌畏之在史
館六十日選史藁百七十有五篇杜門稱疾逾年仍假歸所居
堯峯擅山水之勝蕭然野服手一編矻矻窮年日吾老猶冀有
所得也嘗語學者曰學問不可無師承議論不可無根據出處
不可無本末其文根抵六經出入廬陵震川閒於易書詩春秋

三禮喪服。咸有發明。性卞急。不輕許可。嘗與宋荔裳爭辯。歸而
恚口。吾柰何。與彼同名。然坦中無城府。人有一言之善。不難俛
首。至地。生平淡於榮利。難進易退。自登仕籍。前後閒居二十餘
年。泊然自樂也。二十三年。

聖祖南巡。偕在籍諸臣迎駕。

上溫諭垂詢。撤御前餅餌賜之。諭巡撫湯斌曰。編修汪琬。

文名甚著。居鄉不與聞外事。朕深嘉之。可特賜御書一軸。

上嘗與近臣論本朝文學。研行之儒。首稱數先生。其受知如。

此卒年六十有七。所著堯峯文集五十卷。同邑褚先生篆字蒼
書。爲諸生淬厲。古學屏棄。舉子業天爵自尊。韓文懿公以父執。

敬禮之。康熙二十六年。

聖祖南巡。召見於行在。命書箋二幅。御書海鶴風姿額。賜之時年九十六矣。越歲卒。著有海鶴堂集。

王于一先生事略 陳宏緒 徐世溥 歐陽斌元

王先生猷定字于一號軫石江西南昌人選拔貢生父時熙明進士官太僕卿天啟中名在東林先生工詩古文爲人側儻自豪少時馳騁聲伎狗馬陸博神仙迂怪之事無所不好故產爲之傾晚寓浙中西湖僧舍爲文多鬱勃如殷雷未奮又如崩崖壓樹朽榦盤礴旁枝得隙突然干霄書法亦重一時自明季公安竟陵之說盛行文體日瑣碎先生與新建陳士業徐巨源歐陽憲萬輩均能獨開風氣所著曰四照堂文集

士業陳姓名宏緒號石莊父道亨明進士官兵部尙書楊忠烈漣以劾魏闖削籍公抗疏申救不納遂投劾歸卒贈太子少保

諡清襄。士業性警敏。家集書萬卷。晝夜講肄。以任子薦授晉州。後時真定屬邑多被兵。閹臣劉宇亮出督師。欲移師入晉州。士業拒不納。遂被劾。縱騎遠問。士民哭闕下。頌其保城功。得釋。謫湖州經歷。署長興。考豐二縣事。有惠政。尋免歸。入本朝。屢薦不起。移居章江。輯宋遺民錄。以見志。著有石莊集。恆山存彙。寒衣策。周易備考。詩經尚書義等書。

巨源名世溥。姓徐氏。父良彥。明進士。官宣大巡撫。忤崔魏削籍。成清浪。崇禎初起大理卿。遷工部侍郎。巨源年十六。補諸生。時東鄉艾南英以文名。與巨源約爲兄弟。江左錢謙益姚希孟里中。萬時華輩皆以杓斗歸之。明南贛巡撫潘曾私得祥符王維

儉所修宋史屬巨源及晉江會異撰重加更定巨源才雄氣盛
一往自遂屢躓於鎖闥入本朝遂絕意進取順治初溧陽相
枋政欲修徵辟故事直指使親式其閭又作手書遣司理持禮
幣往山中致之拒不納所著曰榆溪集

歐陽憲萬名斌元幼奇慧讀書目十行下終身不忘爲諸生受
知學使蔡忠襄懋德侯忠節峒曾二公皆禮以國士姜公曰廣
楊公廷麟尤相推重稱爲奇才博學王景略之亞與樂平王綱
南昌彭士望爲兄弟交講求經濟以學業相砥礪嘗爲南左司
馬呂公大器草疏劾馬士英二十四大罪又嘗佐督師史公可
法幕府史公薦擢推官士英知呂疏出君手銜之擯弗用尋歸

隱順治乙丑卒年四十四有文集十二卷

梅瞿山先生事略 梅庚 高詠 袁啟旭 朱書

梅先生清字潤公號瞿山安徽宣城人少讀書竟夜不寐既長英偉豁達以博雅稱順治十一年舉於鄉再赴會試不第卽絕意進取所至士爭推轂王尙書阮亭徐相國立齋尤傾服焉主盟鹽壇最久後學多藉以振起康熙三十六年卒年七十有五先生所爲詩凡數變年壯氣盛叱咤成篇久之芟舊作過半而沈至之意見於岩棲旅食者爲多長洲宋君實穎序之以謂鏗鏘發金石幽澗感鬼神泠泠乎調天然之律呂有天延閣前後集晚年編爲瞿山詩略共三十三卷尤工書仿顏魯公楊少師畫有奇氣嘗寫黃山圖極煙雲變幻之趣墨松蒼雄險勁阮亭

稱其山水入妙品。松入神品。更數十年後。斷執零素。富不減蘇黃云。宣城梅氏。自北宋聖俞先生後。世多名人。有梅庚者。生後於先生與齊名。

庚字藕長。生三歲而孤。家故貧。母劉撫以成立。資穎特。能奮於學。善八分書。作畫曠逸。有雅韻。尤長於詩。同邑施愚山一見稱賞。引爲忘年交。客京師。公卿咸折節倒屣。而性狷介。不妄投一刺。人益重之。康熙二十年。舉鄉試。爲朱竹垞所得士。後遊阮亭門。屢因公事。阮亭主禮闈。仍被黜。阮亭至。作詩自訟。尋知浙之泰順縣。以經術飾吏治。邑苦歲修海船。藕長莅任五年。累不及民。民德之。嘗作修船謠。人以比春陵行焉。未幾引年歸。其詩原

本雅頌。下逮漢魏三唐。盡馳騁之致。卒不敢溢於法外。時宣城
又有高詠。袁啟旭工詩。而好遊。同著聲都下。詠字阮懷。號遺山。
幼有神童之目。其學無所不窺。詩名與愚山埒。人號宣城體。年
近六旬。始貢太學。與愚山同舉詞科。授檢討。未幾假歸。詩近體
極淡遠。歌行奇肆。愚山稱其優入古人。以兼工書畫。世稱三絕。
有遺山堂。若巖堂等集。啟旭字士旦。其詩踔厲頓挫。足抗衡古
人。弁其集者。亦宋君實。穎謂以秦風之悲壯。兼楚騷之哀怨。前
輩惟梅村先生。可以方駕。近則其年得其豐腴。漢槎得其英概。
其推挹如此。以國子生終。有中江紀年彙。

又朱先生書。字字緣。宿松人也。文章雅健。尤熟於有明遺事。抵

掌諭述不遺名地康熙丙寅以選貢入太學聲譽赫然公卿間
癸未進士官編修乞假歸築室其邑之西山曰杜谿將著書以
終老年五十一卒著有杜谿文集

丁葑園先生事略

陸圻
孫治

榮紹炳
張綱孫

毛先舒
吳百朋

毛際可
沈懃
虞

黃吳

丁君名澎字飛濤號葑園浙江仁和人順治十二年進士官禮部郎中少有雋才與弟景鴻傑並稱三丁吳梅村贈詩有兄弟文章人選樓之句早歲有白燕樓詩流傳吳下士女爭採撷以書衫袖婺州吳器之贈詩云恨無十五雙鬟女教唱君家白燕樓其爲時傾倒若此初與同里陸圻柴紹炳毛先舒孫治張綱孫吳百朋沈謙虞黃吳陳廷會諸君稱西冷十子通籍後與朱荔裳施愚山張譙明周釜山嚴灝亭趙錦帆酬唱日下又號燕臺七子後以事牽累謫居塞上者五年卜築東岡躬自飯牛吟

嘯。自。若。所。作。詩。語。多。忠。愛。無。怨。誹。之。意。其。所。養。可。知。矣。著。有。扶
荔。堂。集。

陸圻字麗京一字講山居錢塘少與弟培培咸以文章經世自
任海內稱三陸又與陳君子龍等爲登樓社世號西陵體事親
孝刲股療母病久而知醫莊鑑史禍作麗京與查繼佐范驥皆
被株連事白數日今幸得不死奈何不以餘生學道耶弟培進
士官行人死甲申之難麗京親殉後棄家遠遊不知所終子與
往來萬里尋之數年卒不得竟以死時稱其孝麗京生平不言
人過有語及者輒曰我與汝姑自盡毋妄議他人爲著有感風
堂集西陵新語詩禮二編柴紹柄字虎臣號省軒在西冷十子

中文名最著。持躬尤端謹。有省軒集。毛先舒字稚黃一字馳龍。出陳臥子先生門。又嘗從念臺劉子講學。其詩音節瀏亮。有七子餘風。著聲韻叢說。韻學通指。韻白匡牀。漢書聖學真語。小匡文鈔。思古堂集。螺峯說錄。東苑文鈔。慈雲晚唱諸集。與西河鶴舫齊名。時人謂曰浙中三毛。文中三豪。西河自有傳。鶴舫名際可。字會侯。遂安人。順治十五年進士。官彰德府推官。其學不及西河之博。亦不至如西河之悍僻。古文辨香南豐所著曰松泉全集。

孫治字宇白。錢塘人。以著述稱於時。其文如商彝周鼎。剝蝕之餘。光怪益露。生平篤友誼。陸驥武死。以孤女託爲擇。吳檢討任

臣妻之又爲立嗣。以甥女嫁焉。吳錦雯字南和。客死。往經紀其喪。著有鑑菴集。張綱孫字嗣望。改名丹。錢塘人。美鬢髯。恬淡不樂交遊。好爲詩。古文詞喜山水。窮幽躡險。其詩悲涼。沈遠。有小雅之遺。論詩謂少陵七律能用比興。他人雖極工鍊。不過賦耳。所著曰秦亭集。吳百朋字錦雯。舉人。官南和知縣。少奇敏。讀書五行並下。爲文數千言立就。居官有異政。歿後。百姓建祠祀之。著有樸菴集。沈謙字去矜。少穎慧。工詩古文。初喜溫李。後乃循漢魏以窺盛唐。其意貞而不濫。其聲和而不流。著東江草堂集。虞黃吳字景初。錢淞人。康熙丙午舉人。官教諭。十歲卽善屬文。嘗游柵州乞巧。更作辭。巧文識者知其遠到。

國朝先正事略卷之二十八 文苑

平江李元度次青集

計甫草先生事略 潘耒 徐欽 吳兆騫

計先生東字甫草號改亭吳江人幼跳盪不羈父憂之先輩吳
飴一見曰非常兒也尋受業張西銘之門年十五補諸生文譽
日起以馬周陳亮自比遭世變不應科舉家居取十三經二十
一史諸書盡讀之求義理指歸治亂得失之要下至權衡兵法
陰陽占候之術靡不通曉弱冠著籌南五論上閣部史公公奇
之其深明大略陳同甫莫能過也順治八年中乙榜貢太學十
四年舉順天試名動長安三試春官不第江南奏銷案起挂名

被黜益浪遊四方。嘗自京師北走宣雲。南歷洛漳。邢魏。東之齊。充徧覽名山川。所至結交賢士大夫。故其詩文日闢富務。極其才力。而後已。在吳中。與徐健菴。在堯峯。尤西堂諸君。狎主齊盟。然內行修謹。篤孝友。重然諾。友人吳兆騫流徙出關。先生周恤其家。以愛女字其弱子。有才子曰準。早天。築思子亭。以孝貞女宋氏合葬。宋氏準聘妻。年十三。未婚守志者也。先生少負奇氣。過鄴城。尋謝茂秦葬處。得之南門外二十里。盡斥橐中金。爲修墓。立石誌之。曰。明詩人謝榛墓。固請當事。禁樵牧。又過順德。憩逆旅。念歸震川。昔嘗佐郡。有廳記二篇。求遺址不得。乃入署旁廢圃中。設瓣香。再拜流涕而去。道旁觀者皆大笑。以爲狂生。至

吳門稱門生於黃孝子向堅。至禾中金門寺上陶朱公書。自稱世通家。索其始。補計然七策。以爲致富之方。其落拓自奇。若此卒年五十有二。逾歲。

天子開鴻詞科。而先生不及待矣。所著曰改亭集。次子默字希深。以詩文遊四方。名滿日下。同邑有潘次耕先生者。與齊白石潘次耕名未號稼堂。父凱列名復社。兄樞章能文。負氣節。召中史獄起。蒙難死。先生資稟絕人。有聖童之目。從顧亭林。徐俟齋。戴耘野三先生遊。故其學貫穿淹洽。無所不通。旁及日曆算數。宗乘道藏。悉有神會。詩古文尤精博。無涯涘。嘉定陸翼王。平湖陸稼書。交口許爲淹洽。康熙己未。以布衣舉博學鴻詞。官檢討。

纂修明史。充日講起居注官。其時與館選者皆起家進士。先生與朱竹垞嚴蓀友。獨由布衣入選。文又最有名。凡館閣經進文字。必出三布衣。手同列忌之。先生尤精敏。敢言。無稍遜避。爲忌者所中。坐降調。以母憂歸。遂不復出。四十二年。

聖祖南巡。復原官。澤州陳文貞公欲薦起之。先生曰。止。止。吾分也。賦老馬行以謝焉。先生嘗應詔陳言。謂建言古無專責。歷代雖設臺諫之官。其實人人得上書言事。梅福以南昌尉言外戚。柳伉以太常博士言程元振。陳東以太學生攻六賊。楊繼盛以部曹劾嚴嵩。本朝舊制。京官並許條陳。自康熙十年。憲臣奏請停止。凡非言官而建言。爲越職言事。例當降調。夫人主明。

目達聰常懼有所壅蔽故宜導之使言今乃禁之使不得言豈
盛世事臣請除越職言事之禁俾大小臣工各得獻替進言之
途廣則罔上行私之徒不得人人而把持結納之庶有所忌而
不敢爲於此輩甚不便於國家甚便也其在外監司守令等官
若大利大弊果係真知灼見者亦許條奏地方災荒督撫不肯
題報者州縣官徑得上聞如此則民閒疾苦無所不周知矣更
請許臺諫官得風聞言事以作敢言之氣其大奸大貪不經糾
彈別行發覺者請將言官一併處分有能奮擊奸回不畏疆禦
者不次超擢庶紀綱振而萬事集矣湯文正公撫吳先生贈以
文力言浮賦之害爲畫三策文正具疏懇陳得酌減蓋用先生

首策也。先生初被徵，以母老辭，不獲命。除官後，復牒吏部，以獨子終養，請代題者三。卒格於議，逮居喪，哀毀骨立。兄邁，賜金贖其好，篤師門之誼。俟齋歿，周卹其孤孫，數十年如一日。刻亭林日知錄、並詩文集，歷遊羅浮、天台、雁宕、武夷、黃海、匡廬、嵩嶽，盡尋其勝。各紀以詩文，有遂初堂集三十九卷。又因亭林音學五書爲類，首八卷，與次耕同時薦舉者爲同邑。徐電發、電發名，孰山國子生。召試詞科，授檢討，會當外轉，遽乞歸。後以原官起用，不就。卒年七十三。生平好古，博學弱冠，天才駿發，搖筆數千言，藟芝麓尙書奇賞之。尙書臨沒，謂梁真定相國曰：負才如徐君，可使之不成名耶？後卒，與薦舉著南州草堂集三十卷。嘗

刻菊莊樂府。朝鮮貢使仇元吉見之。以餅金賄去。且賂以詩。詎發。既工。倚聲輯詞苑叢談十二卷。晚年續唐人並樂本事詩。自取綠情綺靡之作。時比諸洛陽紙貴焉。

吳君兆騫字漢槎。亦吳江人。童時作膽賦。累千餘言。長繼復社主盟。才名動一世。順治丁酉。領鄉薦。以科場事中蜚語被斥。流徙尚陽堡。二十餘年。作長白山賦。有研京鍊都風力。宋文格徐健菴捐金贖之。得歸。著有秋笳集。

黃忍菴先生事略

周肇
王昊

顧淵
王揆

許旭
王柝

王撰

王德

崔華

郁植

唐孫華

王曜升

吳璣

黃先生與墜字廷表江蘇太倉州人順治十六年進士康熙十
八年召試鴻詞科授編修遷贊善著有忍菴集錢牧齋序其
詩謂長安金陵雜感諸篇頓挫鉤鎖體綿惻愴在時致堯元裕
之之閒吳梅村祭酒嘗選婁東十子詩以先生爲冠十子者周
子儼顧伊人許九日王異公王虹友王惟夏王端士王澤民王
次谷也子儼名肇著有東岡集伊人名潛著水鄉集九日名旭
著秋水集異公名撰著三餘集虹友名懿著蘆中集惟夏名昊
已未召試以年老授官正字歸著有碩園集端士名揆順治

乙未進士。著有芝屢集。憐民名牘。次谷名曜。升皆有集。一時風流文采。稱極盛焉。而惟夏諸君。又鳳洲司寇之後。太原王氏。昆季多才。不啻過江王謝。在十子中。皆錚錚有聲。又吳元朗者。名璟。梅村先生子也。工詩。近體清穩。尤稱雅音。康熙戊辰進士。與館選。累遷給事中。著有西齋集。同時同州。以詩古文鳴者。又有崔不雕。郁東堂。唐質君。諸子。

崔華字不雕。順治丁酉舉人。滬洋尚書極賞其詩。有句云。黃葉聲多酒不辭。時目爲崔黃葉。與歷城王秋史並稱。郁東堂名植。字大本。八歲應試。作五倫論。梅村祭酒見而奇之。旣長。研窮古學。爲漁洋所賞識。康熙己未。以諸生舉鴻詞科。未應試卒。詩宗

盛唐不落元和以下唐實君名孫華與吳元朗爲同年進士官
吏部主事有東江詩鈔年九十餘乃卒

馬章民先生事略

鄉忠倚 汪緯

孫承恩 王式丹

王琛

錢榮 陸肯堂

馬先生世俊字章民一字甸臣江蘇溧陽人順治十八年一甲一名進士賜及第授修撰遷侍讀貢士對策多隨題敷衍先生獨備備直陳稱王者天下爲家不宜示同異時論偉之何義門嘗云我朝殿撰前劉後韓公居其閒鼎足而三先生工書畫有二右之目謂右軍右丞也初先生下第留京師落拓甚以行卷謁龔芝麓尙書尙書奇賞之曰李鴻慎才子也歲暮贈白金八百明年乃及第性樸素釋褐之日策蹇驅一老蒼頭攜宮袍隨其後士林傳爲佳話先生敏於詞翰著有匡菴集國初吳中以大魁著望者自徐立齋彭南畝韓慕廬彭芝廔外無錫

則鄒君忠倚常熟則孫君承恩汪君繹吳縣則繆君彤長洲則陸君肯堂王君世珠寶應則王君式丹皆以文章名通志並列文苑而長洲錢君榮獨以三元起家

鄒君忠倚字子度順治己丑進士壬辰廷對第一授修撰詩古文皆春容靜細未幾卒官孫君承恩原名曙字扶桑文工六朝體詩學溫李順治戊戌賜進士第一人授秘書院修撰數被顧問從幸南海子嘗賜駒御馬未幾卒

上大嗟惜賜金歸葬繆君彤字歌起康熙丁未一甲一名進士授修撰遷侍講以艱歸談於宦情閉門不干時事立三畏書院刊曹月川家規蔡虛齋密箴對念臺人譜以教學者功進就

甚多著有雙泉堂集肯堂字遠升才氣磊落自喜康熙乙丑會
試殿試皆第一由修撰遷侍讀卒官國朝連擢會狀者始於
岡劉克猷次則韓慕虛彭南昞而遠升及王樓村彭芝庭汪潤
民繼之皆吳產也世推科名盛事云釋字玉輪汪姓號東山康
熙庚辰對策第一賜及第授修撰年少擢高第名籍甚而謙
退不矜藉藉多風韻臚傳曰馬上口占有句云浮生止辦十年
官旋予告歸乙酉奉命校全唐詩於揚州尋卒時以爲詩話
所著曰秋影樓集王君式丹字方若號樓村康熙癸未會試殿
試皆第一授修撰生平績學嗜古久蹟名場近六十始登鄉薦
通籍後淡於仕進未久移疾歸著有樓村集宋牧仲選刻江左

十五子詩樓村其最也世珠字寶傳王文恪公整八世孫父銓
字東發康熙庚午鄉舉官給事中敦氣誼重然諾工書善繪事
爲時名人寶傳舉康熙壬辰進士臚唱第一人授修撰歷侍講
督山東學政崇實學斥浮僞青齊文體爲一變累遷少詹事視
學未竣以勞疾卒官工詩古文兼善書畫能世其家學

錢君榮字湘齡乾隆己亥鄉試領解額庚子會試冠其偶殿試
以一甲一名進士賜及第授修撰臚唱日

高宗御製詩紀事有國朝經百載春榜得三元之句丙午分校
順天鄉試明年入直上書房己酉分校會試遷贊善甲寅充廣
東副考官明年遷侍讀充日講起居注官嘉慶二年擢庶子尋

除侍讀學士。典試雲南。命提督學政。拔擢公玘。士論翕服。四年。晉內閣學士。仍留學政任。卒官。目後。繼先生爲三元者。曰。陸桂陳。君繼昌。

葉橫山先生事略 顧有孝 鈕琇 李聖華 顧我綺

葉先生變字星期號已畦。江蘇吳江人。籍浙之嘉善。康熙九年進士。知寶應縣。修決堤。免無名之稅。出誣服殺人者。直仇陷附。逆而冀沒其田廬者。以仇直不容於上官。不二年落職。欣然曰。吾與廉吏同登。白。飭榮於還。除矣。時嘉定令陸清獻公同被劾也。既歸。築室橫山下。學者稱橫山先生。著有已畦文集二十卷。詩集十卷。其論文謂議論不蹈襲前人。卓然自吾立方。爲立言論。詩曰。生曰新曰深。凡一切庸熟陳舊浮淺。語須一掃空之。所作詩意必鉤元。語必獨造。甯不諧俗。不肯隨俗。於同時諸家外。能拔戟自成一隊。時吳中稱詩者多宗范陸。究所獵者范陸之

皮毛耳。先生著原詩內外篇四卷。力排其非。吳人士始多訾謗之。既而乃爭從其說。汪編修琬居堯峯。說經經與先生持論。鑿稱門下士亦互相詆謔。汪歿。先生曰。吾向不備汪氏文。亦謂其名太高。意氣太盛。故麻列其失以規之。非謂其謬。蓋於聖人也。且汪歿。誰譏彈吾文者。乃取向所摘汪文。短處悉燔之。沈歸愚尚書少從受詩。洪守之不變。王新城司寇嘗致書先生。稱其獨立起衰。後見歸愚詩。復稱賞之。曰。橫山門下。尚有詩人。其推重若此。同時同縣。以詩文著稱者。自甫草塚堂諸君外。有顧茂倫。鈕王樵。李寶君。顧湘南。諸君。顧有孝。字茂倫。吳江諸生。居釣雪灘。以選詩爲事。唐律及國朝近體詩。皆有選本。名滿大江。

南北鈕琇字玉樵官知縣博雅多聞所著觚賸能舉見聞異詞者折衷之可補正史之闕詩亦變風之遺著有臨野堂集李寶君名重華雍正甲辰進士官編修天賦儁才復得張匠門指授性好遊入巴蜀客山左畱覽秦關楚塞登臨憑弔詩益嶽嶷歷落得江山之助著有玉洲詩集其詩詔二卷可與昌穀談藝錄並傳顧湘南名我錡邑廩生鄂文端任江蘇布政時以古學試士得五十三人湘南爲冠遂有南邦黎獻集之刻後開博學鴻詞科乃文端奏請若爲湘南設也及詔下而湘南歿矣有才無命文端歎息彌襟所著曰湘南詩集

陳元孝先生事略 屈大均 榮佩蘭 程可則

嶺南三家首陳先生。元孝而屈翁山、梁築亭次之。元孝名恭尹，順德人。父邦彥，明季以閩部殉難。事具明史。時先生才十餘歲，比長遂隱居，不仕。自號羅浮布衣。與李元仲、魏叔子、季子彭躬菴諸君善，皆遺民也。工詩古文，兼精書法。未冠賦《姑蘇懷古》諸詩，傾動一時。名大起。其詩清迥拔俗，得唐賢三昧。古體閒入選理。一時習尚無所染。著有《獨漉堂集》。王漁洋《趙秋谷二公至嶺南於廣州》詩人尤推重。先生其後杭堊甫來主講席，題先生遺像，傾服尤甚。洪稚存論嶺南三家，有句云：「尚得古賢雄直氣，嶺南猶似勝江南。」其推挹至矣。翁山屈姓名大均，番禺人。著有《翁

山詩集子明洪字甘泉貢生官教諭亦以能詩聞梁藥亭名似
蘭字芝五南海人童時日記數千言通經史百家年二十六領
順治十四年鄉試解額詩名已播海內康熙二十七年成進士
選庶吉士同榜均以前輩事之明年卽假歸周遊名山與海內
諸名衿相酬唱漁洋竹垞及潘次耕皆推重之著有六藝堂集
程先生可則字周望一字隍濠號石臞南海人也年輩在三家
前順治九年舉會試第一官內閣中書改內秘書院康熙己酉
以主事分枝順天試累遷郎中出知桂林府著有海日堂集少
與漁洋荔裳愚山西樵茗文及沈繹堂曹顧菴稱海內八家其
詩俊偉騰踔聲光熊熊亞於漁洋品在劉公職董玉虬之右

魯·衛·者·惟·西·樵·云

趙秋谷先生事略

吳曼

馮廷樞

馮班

先生名執信字伸符號秋谷山東益都人穎悟絕倫九歲捉筆
爲文有奇語里中爲文社先生初不與通輒自攜紙筆入座眾
以其幼也易之移晷立就數藝乃大驚號爲聖童同里孫文定
公廷銓奇其才命作海棠賦曰大器也以女孫字之年十四爲
諸生康熙十八年成道士選庶吉士授編修二十三年典試山
西遷右贊善充明史纂修官預修大清會典會典體例多沿
明舊理藩院擬自國朝分纂者皆遜謝先生肄國書取檔案
附以文義典制釐然同局皆服其才方先生通籍時詔開鴻
詞科當世所稱能詩者麇集輦下新城王尚書久以詩古文雄

長壇坵。一時鴻生俊才多出門下。先生掉臂其閒。自樹一幟。古詩自漢魏六朝至初唐諸大家各成韻調。談藝者多忽不講與古法矣。新城自負妙契。先生著聲韻譜以發其秘。所著談龍錄持論顯與新城齟齬。而新城心折其才。不以爲亢也。同時如朱錫鬯。吳天章。陳元孝皆折輩行與之交。先生天才駿厲。視儕輩無足當意。獨善德州馮大木。廷樹所師承者。常熟馮定遠。班賞曰。吾生平師友皆在馮氏矣。名曰高忌者亦日眾。朝士某以詩集徧贈臺館。先生甫展卷立還。其使人銜次骨錢塘洪昇。昉思以詩詞遊公卿閒。所演長生殿傳奇初成。置酒高會。名流畢集。時尙在。國恤銜先生者因騰章入告。徧及同會先生。至老

功獨任之在座者得薄譏而先生罷職既歸益放情詩酒所居
因園依山構亭榭清泉秀石喬木各極天趣歸田時年未三十
兩親俱無恙具甘旨承色笑者二十餘年性好遊嘗踰嶺南再
陞高少五過吳閩寓維揚金陵久所至流連文讌乞詩文法書
者至後進歟先生宿世人而先生與酬接諸狎無少忤徜徉
林壑踰五十年卒於乾隆九年年八十有三同年生萊陽張庶
常罷歸以事爲有司所窘避地依先生及卒殯而歸之常熟仲
生依先生十九年卒於館次爲論定其詩文擇地葬之其篤於
故舊如此著節山堂文集六卷詩集十七卷詩餘雜著若干卷
吳天章者名雯山西蒲州人也初隱居中條山之玉溪李義山

故里也。後遊京師，未知名。漁洋尚書見其詩，奇賞之，待漏朝房，誦其句於葉。菴閣學葉下直，卽命駕造訪。康熙己未，舉鴻博。馮相國溥以箴索詩，天章大書二絕句應之。其坦率如此。卒以不遇不悔也。遊燕趙，齊魯，吳越，秦楚，足跡半天下。晚年買園鄞谷之口，有竹數百挺，黃梅數十株，橘三株。中作草堂，面霽首，附太華悠然，自忘其老。趙秋谷謂其詩才特超妙，其鄉自元遺山後一人而已。王尚書則謂漢魏以來二千年間詩家號爲仙才者，曹子建、李太白、蘇子瞻三人耳。本朝作者如林，獨以仙才許天章焉。馮大木名廷樹，康熙壬戌進士官中書，性孤介，不入大僚之門。平生深契者，惟秋谷、劉士有，得諸葛銅鼓者，兩人各

賦長歌諸名士皆閤筆漁洋欲哀兩人酬唱詩爲二妙集馮定遠名班號鈍吟所著定遠集其說詩力排巖羽尤不取江西宗派而論事多達物情論文能究古法秋谷於近代文章家多所警警獨折服定遠一見鈍吟雜錄卽歎爲至論至具朝服下拜嘗展其墓以私淑門人刺卽冢前焚之

孫豹人先生事略

王又旦
李楷

屈復

李念慈

張恂

王宏撰

關中人文自中孚雪木天生三李外推孫先生豹人先生名枝
蔚三原人豹文其字也世爲大賈業鹽莢甲申之亂年二十有
四散家財求壯士起義不果隻身走江都折節讀書遂以詩文
名天下年六十舉鴻詞科時有奔說執政之門者先生恥焉求
罷不允促入試不終幅而出會特詔布衣處士有文學素著
老不任職事者授京銜以寵其行及格者八人先生與焉部議
正字銜

聖祖少之子中書舍人初吏部集驗於庭獨臥不往旋被敦促
乃遂巡入手尚者見其鬚眉皓白引使前曰君老矣先生正色

曰未也我年四十時卽如此且我前以老求免試必以爲壯
今我不欲以老得官公又以我爲老殊可怪也當事愕謝卒以
老官之先生性伉直初以世亂好談兵家毀於賊自京師歸後
居江都所著曰澗堂集從遊者皆有聲海內而王又旦最著又
旦邵陽人字幼華弱冠舉於鄉令潛江履畝定賦杜豪強侵占
葺長堤村漢水決晴建德經書院築說詩臺豹人時居江都迎
之受詩比入爲給事中詩名已與豹人均疏陳湖北堤工協濟
之害令荆郢分界治堤以絕委卸典試爲東還過南海花山建
議於其地設縣治奪盜踴數皆可朱自注稱其詩能兼綜唐
宋人之長年五十一卒於官有黃湄詩集當是時關西之士恥

效章句皆以通經學古爲尚其卓然名家者涇陽則有李念慈張恂念慈字岷瞻嘗爲令薦博學鴻詞不第隱居峪口山詩曰峪口山房集恂字穉恭一字克山以進士爲江南推官善畫落筆片紙值千錢與三李豹人黃湄輩往還酬答而名稱後惟華陰王宏撰朝邑李楷與三李等齊名楷字叔則一字岸翁著河濱全集由舉人令寶應以直廢康熙二年買撫軍漢復請董陔志宏撰尙爲諸生從叔則編摩叔則善古賦文樸茂錢牧齋亟稱之著書百卷文名冠一時人稱河濱夫子宏撰字無異一字山史與三李同時於叔則爲後進而叔則獨喜從山史遂山史讀書華山顧亭林嘗主其家共建朱子祠於雲臺觀好易精圖

象學者宗之。得一言以爲重。凡碑版誌銘。非三李則山史而山史工書法。故尤多於三李焉。又有屈復者。字見心。號梅翁。蒲城人也。年十九試童子第一。忽棄去。走京師。學詩者多從之。遊先生作客。約不迎送。不作寒暄語。其論詩於興賦比之外。專以寄託爲主。謂陶之飲酒。郭之遊仙。謝之登山。左之詠史。彼自有所以傷心之故。而借題發之。未可刻舟而求劍也。張尙書廷樞欲上章薦力辭不就。乾隆元年。楊尙書超會舉。應鴻詞科。楊未見屈。屈亦不報謝。所著弱水集甚富。無子。妻死不再娶。人以比林和靖云。

邵青門先生事略董以甯 鄒祇謨 陳玉基 儲欣

青門先生名長蘅字子湘江蘇武進人少稱奇童讀書目數行
下十歲爲諸生試必高等應行省試輒不售乃棄舉子業益潛
心六經三史及唐宋諸大家文鑽穴寢餽爬梳剔抉久之融釋
貫串大放厥辭論者謂 國朝布衣以文鳴者自商邱甯都外
惟先生可鼎足立先生內行惇篤居親喪力行古禮嘗獨力掘
始祖康節先生祠族子被略爲豪家奴捐金贖之性坦易與人
交煦然以和意所不可卽髯張面赤不能爲媿媿朝貴有物色
之者非先焉不往也在都門與阮亭愚山健菴鈍翁其年竹垞
西溟藕長諸公友聞人談登州海市之奇忽跨驢走二千里之

海上登蓬萊閣望所謂三神山者然卒無所見復走京師友人
強之入太學試吏部宋文恪德宜得其文驚曰今之震川也拔
第一例授州同不就後客宋牧仲中丞所最久談道論文敦布
衣昆弟之好嘗選有明何李王李四家詩矯牧齋偏駁之論而
以程孟陽詩爲纖佻識者避之尤愛武林湖山數往遊擬結處
放鶴亭側又欲營一舫載筆牀釣具浮家吳越閒所著曰青門
集阮亭稱其文爲荆川後一人卒年六十有八同邑董文友鄉
詩士陳椒峯工詩古文皆有名董名以甯字文友邑諸生少與
鄒詩士齊名善詩文於厯象樂律方輿之旨多所發明晚年悉
棄去專事窮經尤深於周易春秋著書滿家恤交遊重然諾弟

子恆數百人。所著曰正誼堂集。討士名祇謨。號程村。順治十五年進士。性穎特。書過目不忘。事母以孝聞。母教之極嚴。先生卽以讀書娛其母。上自經籍子史及天文宗乘百家之書。古今人爵里姓氏。世次年譜。無不悉記。其於詩文。乃益工。甯都魏叔子兄弟。治古文。山中程村一見歎曰。今乃有如是文乎。逢人輒稱道。海內知有三魏者。實自程村始也。著有遠志齋集。椒峯名玉。璠字庶明。康熙六年進士。官中書。著學文堂集。少有大志。凡經世之書。莫不講求。精熟爲詩文。下筆千言。旬日閱動至盈尺。每讀書至夜分。兩眸欲合。輒用艾灼臂。其苦學如此。

又儲先生欣。字同人。宜興人。少孤。率兩弟苦讀。博通經史。早歲

負東南文望。年六十始領康熙庚午鄉薦。一試禮部不遇。遂杜門著書及門。多達者。選唐宋十家文。風行海內。乾隆中御選唐宋文醇。蓋因其本而增益之也。所著古文曰在陸草堂集。從子在文字禮執。康熙丁未進士。官編修。雄文字記雲。康熙辛丑進士。皆以文名。禮執尤工制舉業。大文字大雅。康熙辛丑舉會試第一。官庶吉士。精輿地形勢之學。著存研樓文集。言方輿要隘者居多。皆同人弟子也。